



類函四五



卷九五
設官九
設官六
設官三

1加3
427
45



BE 1 3
加
卷



新金田圖書印
此係明治八年八月廿一日
由諸山君以贈
此係明治八年八月廿一日
由諸山君以贈



淵鑑類函卷九十五

設官部三十五

三老五更 國子祭酒 司業附

學正學錄附

博士 太學博士 廣文館博士

四門博士

律學博士 書學博士

算學博士附

學生

三老五更一

原杜氏通典曰三老五更者三代所尊也

三者道成於三謂天地人

也老者舊也壽也詩云方叔元老書稱無遺我黃耆之言則罔所愆五者訓於五品更者更也五世長久更相

代言其能以善道改更已也故三老五更皆取有道夫妻男女完具者為之鄭元曰老更互言之耳皆老人更

知三從五事者也蔡邕曰更當為叟字之誤也天子父事三老兄事五更親袒

割牲執醬而饋執爵而酌音孕漱也三公設几九卿正

設官部 淵鑑類函卷九十五 三老五更

履祝饌在前祝饌在後饌音梗使者安車輓輪送迎至

家天子獨拜於屏其明日三老詣闕謝以其禮遇太尊

故也 後漢明帝以李躬為三老桓榮為五更安帝以

魯丕李充為三老靈帝又以袁逢為三老賜以玉杖杖玉

長九尺端以鵠為飾鵠者不魏高貴鄉公即位幸太

學將崇先典命王祥為三老祥字鄭小同為五更祥南

面几杖以師道自居天子北面乞言陳明王聖帝君臣

政化之要以訓之聞者莫不砥礪 後魏孝文養老於

明堂以尉元為三老元字游明根為五更明根字帝再

拜三老肅拜鄭眾云但俯下手今時揖拜是給三老上

公之祿五更元卿之祿 後周武帝保定三年詔以太

傅燕國公謹謹可為三老賜延年杖帝幸太學以食之三

老入門皇帝迎拜門屏之間三老答拜有司設三老席

於中楹南向太師晉國公護升階設几於席三老升席

南面憑几而大司徒楚國公寧升階正鳥皇帝升立於

斧扆之前西面有司進饌皇帝跪設醬豆親自袒割三

老食訖皇帝又親跪授爵以醕有司徹訖皇帝北面立

訪道三老乃起立於席後皇帝曰猥當天下重任自惟

不才不知政治之要公其誨之三老答曰木受繩則正

后從諫則聖自古明王聖主皆虛心納諫以知得失天

下用安惟陛下念之云云三老言畢皇帝再拜受之三老答拜禮成而出其餘歷代皆無

三老五更二

原崇至敬 魏氏春秋云甘露二年詔曰古若講師續

書云養三老五更先吉日司徒上太傅若講師故三公人名用其德行年耆高者三公一人為三老次卿一人為五更皆服綈給大袍單衣中綵領

東觀漢記云明帝永平二年詔曰五更沛國桓榮以尚書授朕十有餘年其賜爵關內侯食邑二千戶

李躬學明賜爵 又云三老常山李躬年耆學明以二千石祿養終身

淳固 小同温恭孝友 魏氏春秋云甘露二年詔曰關內侯王祥秉義淳固鄭小同温恭孝友可以祥為三老小同為五更

國子祭酒一 司業附

原杜氏通典曰孫卿在齊為三老稱祭酒 胡廣曰凡官位之元長古者實得主人饌則老者一人舉酒以祭地

故以祭酒為稱漢之侍中魏之散騎常侍功高者陞為祭酒用其義也公府

有祭酒亦因其名 **漢吳王濞年老不朝為劉氏祭酒**

則祭酒之名久矣又漢置博士至東京凡十四人而聰明有威重者一人為祭酒謂之博士祭酒蓋本曰僕射

中興轉為祭酒 昭帝增博士弟子員滿百人宣帝本增郡國省五經博士卒史成帝末增弟子員三千人平帝時王莽增元士之子得受業如弟子以員歲課甲科四十人為部中乙科二十人為太子舍人丙科四十人補文學掌故後漢安帝薄於藝文博士倚席不講學舍頽弊為園蔬牧兒芻豎至於薪刈其下順帝感翟醜之言乃更脩齋宇凡所構二百四十八百五十室

設官部 **國子祭酒**

試明經下弟子增甲乙之科員各千人餘郡國諸儒皆補郎舍人魏因之晉武帝咸寧四年初立國子學置國子祭酒一人國子周之舊名周官有師氏之職即魏國子祭酒周禮師氏以三德三行教國子有保氏而養國子以道教之六藝也晉視侍中列曹尚書劉毅孫紹並為此官宋代不置學則助教唯置一人而祭酒博士常置也明帝太始六年以國學廢初置總明觀祭酒一人有元儒文史四科科置學士各十人齊高帝建元四年有司奏置國學祭酒准諸曹尚書博士准中書郎助教准南臺御史選經學為先若其人難備給事中以選明經者以本位領其後國諱廢學永明三年立學尚書令王儉領祭酒學既建

乃省總明觀八年國子博士何肩單為祭酒疑所服陸澄等皆不能據遂以元服臨試月餘日博議定乃服朱衣齊梁號為國師梁王承字安期為國子祭酒承祖儉父暕並居此職三代為國師前代未有當時以為陳後魏亦曰國子祭酒其初定中原先立太學置五經博士北齊國子寺有祭酒一人隋開皇十三年國子寺罷隸太常凡國學諸官自漢以下並屬太常至隋始革之又改寺為學仁壽元年罷國子學唯立太學一所省國子祭酒博士置太學博士總知學事煬帝即位改國子學為國子監依舊置祭酒唐因之龍朔元年東都亦置龍朔二年改為司成館又改祭酒為大司成咸亨初復舊光宅元年改國

設官部

附錄頁名卷九十五

國子祭酒

四

子監為成均監神龍元年復舊領國子學學生三百人太學

學生四百人四門學生五百人律學學生五十人書學學生三十人算

學學生三十人凡六學生徒二千二百一十人每學各

置博士以總學事及有助教等員天寶九年又於國

子監置廣文館領學生為進士業者置置祭酒一人掌

博士助教各一人品秩並與太學同

監學之政皇太子受業則執經講說皆以儒學優重者

為之天寶九載置廣文館學生進士晉百官表注曰

博士祭酒一人掌國子學介幘卓朝服進賢兩梁冠佩

水蒼玉秦燔書籍而置博士之官博者博通於藝事也

沈約宋書曰博士秦官也常通古今員多至數十人

有僕射光武增為十五人蓋一經有數家之學故也皆

教弟子光武改僕射曰祭酒 齊職儀曰晉令博士祭

酒掌國子生師事祭酒執經葛巾單衣終身致敬

文獻通考曰宋國子監判監事二人以兩制或帶職朝

官充凡監事皆總之祭酒掌國子太學武學律學小學

之政令凡諸生之隸於太學者立三舍法崇寧立辟雍

置大司成一人為師儒之首總辟雍太學之政令位諸

曹侍郎上宣和罷中興初并國子監歸禮部紹興三年

置國子監十二年置祭酒十三年始復建太學 續文

獻通考曰遼南面國子監太祖置於上京中京國子學

隸焉官曰祭酒司業監丞主簿 金海陵天德三年初

置國子監國子學太學皆隸焉 元世祖至元初以許
衡爲集賢館大學士國子祭酒教國子與蒙古大姓四
怯薛人員選七品以上朝官子孫爲國子生隨朝三品
以上官得舉凡民之俊秀者入學爲陪堂生伴讀至元
二十四年始置監祭酒司業堂學之教令皆德尊望重
者爲之皇慶二年置崇文閣於國子監外別有國子學
蒙古國子監准漢人國子監例置官亦同 明太祖吳
元年定國子學官制設祭酒等員十年置中都國子學
十四年更定祭酒一人司業二人其屬監丞二人博士
五人助教十五人典簿一人學正十人學錄七人典膳

一人掌饌二人十五年相地於都城之北改國子學爲
國子監頒教條及禁例於天下十六年命曹國公李文
忠領國子監事車駕時時臨視以故監官不得中廳而
坐中門而行二十六年革中都國子學祭酒掌國學舉
人貢生官生恩生例生及年幼勲臣訓教之事凡訓教
諸員奉監規而損益焉要在明體適用以孝弟忠信禮
義廉恥爲本尊師親友讀書寫字爲業有不率者扑之
不悛徙謫之其率教者有升堂積分及超格序用之法
以廩饌贍師生以力役給厨膳以賜予示恩賚以寧假
悉人情以撥歷練吏事以考選汰冗濫太祖親製條規

十八款於監仍令天下各學勒臥碑以示諸生成祖永樂元年設北京國子監列為二監至十九年定鼎北京於留都加南京二字二監雖並列而治法本原實始於南 **原**國子司業杜氏通典曰煬帝大業三年於國子監初置司業一人禮曰樂正司業父師司成因以為名唐置二人副貳祭酒通判監事龍朔二年改為少司成咸亨初復舊凡祭酒司業皆儒重之官非其人不居 **增**文獻通考曰宋元豐正官名置司業一人紹興十三年始復建太學隆興并省司業不與祭酒並除乾道七年乃並除如故遼金元皆設明置二人上幸太學祭酒

及司業執經講義

國子祭酒二

司業附

原蜀志秦宓傳曰先主既定益州廣漢太守夏纂請秦宓為師友祭酒領五官掾 **晉**中興書云杜夷素以儒稱秉操貞素中宗以為儒林祭酒 **增**前秦錄曰建元七年高平蘇通長樂劉祥並以碩學者儒尤精二禮堅以通為禮記祭酒居於東庠祥為儀禮祭酒處於西序堅每月朔旦率百僚親臨講論 **隋**史曰隋元善賜爵江陽縣公後遷國子祭酒帝親臨釋奠命善講孝經於是敷陳義理兼以諷諫上悅曰聞江陽之說更啓朕心

唐書曰張後胤以經授秦王及太宗即位為睦州刺史因入朝乞骸骨太宗曰卿氣力猶強欲何官也後胤陳謝不敢太宗曰朕昔從卿受經卿從朕求官何所疑後胤頓首願得國子祭酒從之又曰褚無量字弘度擢明經累除國子博士遷司業中宗將南郊祝欽明郭山暉建言皇后為亞獻無量與太常博士唐紹蔣欽緒等上書引禮固爭不得及明皇為太子釋奠國學令講經建端樹義博敏而辯即位遷國子祭酒又曰太宗以孔穎達在東宮數有匡諫拜國子祭酒仍侍講東宮太宗幸國學觀釋菜命穎達講孝經既畢穎達上釋奠

頌手詔褒美先是與顏師古等諸儒受詔撰定五經正義下詔曰卿等博綜古今義理該洽考前儒之異說符聖人之幽旨實為不朽付國子監施行又曰韓愈拜國子祭酒奏儒生為學官日使會講生徒奔走聽聞皆相喜曰韓公來為祭酒國子監不寂寞矣又曰鄭覃故相珣瑜之子以宰相兼判國子祭酒奏太學置五經博士各一人緣無職田請依王府官例賜祿廩從之宋史曰宋初崔頌判國子監建隆三年夏始會生徒講說太祖遣中使以酒果賜之每臨幸國學召頌與語因及經史頌應答無滯及郊祀以頌攝太僕升車執綏上

問以一時典禮頌占對闕雅上甚重之 又曰邢昺咸
平中爲國子祭酒景德二年上幸國子監閱庫書問昺
經版幾何昺曰國初不及四千今十餘萬斯儒者逢時
之幸也上方興起道術令昺與張雍杜鎬孫奭舉經術
該博德行端良者以廣學員 又曰呂公著爲祭酒所
舉學官如王回吳政姜潛張載皆一世大儒王存顧臨
爲元祐名臣常秩吳申黃履朱臨盛僑亦顯於世處士
陳頤隱居不仕公命博士即其家敦請以爲太學正頤
固辭公即命駕過之 又曰李綱之罷太學生伏闕上
書乞留綱與种師道軍民集者數十萬朝廷欲防禁之

吳敏乞用楊時以靖太學時得召對言諸生伏闕紛紛
忠於朝廷非有他意但擇老成有行誼者爲之長貳則
將自定帝曰無逾於卿遂以時兼國子祭酒 元史曰
許衡爲中書左丞論阿合馬專權罔上蠹政害民若干
事不報因謝病請解機務帝久欲開太學乃以爲資政
殿大學士兼國子祭酒衡聞命喜曰此吾事也國人子
大朴未散視聽專一若置之善類中涵養數年將必爲
國用乃請徵其弟子王梓劉季偉韓思永耶律有尚呂
端善姚燧高凝白棟蘇郁姚燉孫安劉安中十二人詔
驛召之來京師分處各齋以爲齋長時所選弟子皆幼

稱衡待之如成人愛之如子出入進退其嚴若君臣其
為教因覺以明善因明以開蔽相其動息以為張弛課
誦少暇即習禮或習書算少者則令習拜跪揖讓進退
應對或射或投壺負者罰讀書若干遍久之諸生人人
自得下至童子亦知三綱五常之道 又曰許衡告老
去以王恂為國子祭酒祭酒之制實始於此 明獻徵
錄曰洪武時太學初成中外歲貢生徒日夥適選悞者
掌之師生相訐教尼不行十六年以文淵閣大學士宋
訥為國子監祭酒請於上嚴立學規諸生皆知敬畏上
慮功臣子弟有不服扑罰者命曹國公李文忠兼領監

事由是貴胄肅然受教年八十卒於官上自製文遣官
致祭其後歲辛未太學生有連舉大魁者上思訥曰此
宋祭酒訓迪之功也凡諸生守官稱職者多出訥門上
每舉訥為教國子者楷法 又曰李懋字時勉以字行
正統六年為祭酒嚴毅正大極意造就人才初至令坐
堂一月後乃散處於廂房列格致誠正四號號房有家
室者居外晨入饌堂讀書俱朔望升堂其於四號督勵
尤切夜讀務盡二更將五更復令膳夫提鈴循號房喚
起讀書或自潛行以察勤惰無燈者令人暗記明示責
罰自是燈光達旦書聲不歇學者感激競相勸勉諸生

貧病者節縮餐錢力為贍給

國子祭酒三 司業附

原傳經 講學 戴逵為儒林祭酒刻 增 儒宗 散地

後周虛誕有名於時文帝以誕儒宗學府乃拜國子祭

酒高宦者魚朝恩判國子監既誅因是建言太學當得

天下名儒即拜給國子祭酒外示尊重而實以散地處

祭酒置之國庠似在散地 虎闡 槐市 王元長曲水

而齒肖注周禮曰師氏以三德教國子居虎闡之左蔡

邕明堂月令論曰周官有闡門之學翰曰虎闡教國子

之學所也 淮南子太學曰槐市又三輔黃圖云元始

中起明堂列槐樹數百行朔望諸生持經書及當郡所

出物於此買 清官後 儒人師 齊書曰張緒字思曼

賣號槐市 清官後 儒人師 齊書曰張緒字思曼

立國學以緒為太常卿領國子祭酒何黯歎曰晉以子

敬季琰為此職今以王延之張緒為之可謂清官後接

之考實為未易 元史曰李朮魯翀字子輩為國子祭

酒帝師至京師有旨朝臣一品以下皆乘白馬郊迎大

臣俯伏進觴帝師不為動惟翀舉觴立進曰帝師釋各

不為禮天下僧人師也余孔子之徒天下儒人師也請各

觴卒飲眾為之慄然 懷珍果 判祥瑞 陳書曰徐

弟也性至孝為國子祭酒孝克每侍宴無所食數而膳

羞損減宣帝以問中書舍人管斌斌伺之見孝克取珍

果納紳帶中歸以遺母宣帝聞之嗟歎良久乃赦自今

宴則天稱制不恡並遣將還以餉其母時論美之 唐書

駙馬都尉祭酒者赴上惟判祥瑞三牒而已至 原選有

駙馬為都尉祭酒者赴上惟判祥瑞三牒而已至 原選有

於博士助教雖有學官之名多非儒雅之實 原選有

道人 宜素業士 漢舊儀曰博士祭酒選有道之人習

儼用阮叔為儒林祭酒教云 漢擢荀卿 晉選劉毅

也見白帖 增 請崇文學 宜處老成 唐書曰蕭昕代

設官部 國子祭酒

酒請崇文學以立教本帝悟其言詔羣臣有籍於朝及
 神策六軍肄業者聽補生徒宋史曰元祐中鄭穆以
 寶文閣待制兼祭酒每諸生請益無間寒暑六年請老
 范祖禹上言穆雖年七十精力尚強祭酒居師資之地
 正宜處以老成願 盧誕人師 虛齋理學 後周盧誕
 毋輕聽其去不報 帝詔曰經師易得人師難求因賜
 拜給事黃門侍郎文帝清號虛齋晉江人正德時拜
 名誕國子監祭酒命甫下而卒所著有易經四書蒙引
 南極圖密箴世宗特命頒行纂列姓名於理學名臣錄
 太極圖密箴世宗特命頒行纂列姓名於理學名臣錄
 宿儒並命 師範齊名 宋史曰馮元字道宗仁宗朝
 儒典領元與孫奭三命與論大服 明陳敬宗為南京
 祭酒以師道自任時北監祭酒李時勉約束諸生身教
 亦嚴世稱 兩為祭酒 五居國學 均兩為祭酒 任成
 南陳北李 兩為祭酒 五居國學 均兩為祭酒 任成
 耶律有尚字伯強遼東丹王十世孫受業許衡之門稱
 高第弟子衡為祭酒奏門人為齋長以伴讀有尚其一
 也衡告老還乃以有尚等為助教及有尚去而國學事
 廢廷議以為非有尚無足以繼衡者除國子司業奏立

學館二十四年朝廷大啓學舍始立國子監官增廣弟
 子員於是尚有尚陞國子祭酒儒風為之不振有尚前後
 五居國學身為學者師表數十 原安車迎君賓 執
 年海內宗之猶昔之宗衡也 君實王莽遣使者拜為
 經問行齊 漢書龔勝傳云勝字君實王莽遣使者拜為
 友祭酒印綬安車駟馬迎勝曰杜畿字行齊除國子祭酒
 事二姓哉 臧榮緒晉書曰杜畿字行齊除國子祭酒
 皇太子禮之 遣使起之於家 重臣多出其門 謝
 執經問焉 南齊國子監祭酒致仕歸薦者以十數特
 鐸弘治間擢南京國子監祭酒事命吏部遣使即其家起
 擢禮部右侍郎管國子祭酒 道足以鎮雅黜浮 學
 祭酒方岳重臣率多出其門 宗元美陽城 胡
 足以起頑立懦 明林俊謂祭酒謝 宗元美陽城 胡
 寅責高閎 唐陽城為國子司業後出為道州刺史太學
 元與蕃等書曰昔李膺嵇康時太學生徒仰闕執訴僕
 謂迄今千百年不可復見乃在今日誠諸生見賜甚盛
 設官部 國子祭酒

將亦陽公漸漬導訓所致乎宋紹興時問為司業既
請行經義課試之法新學成奏補試者六千人且乞臨
雍繼率諸生上表以請於是帝幸太學秦禧執經問講
易泰卦胡寅聞之以書責問曰閣下為師儒之首不能
建大論明天人理乃阿柄臣希合風旨求舉四輔
太平之典欺天罔人孰甚焉平志行掃地矣
為司業三人皆高年明吳源字性傳洪武三年與杜
輔官兼太子賓客後上以源賢復召為國子監司業
又王嘉會字原禮洪武十五年為國子司業時宋訥
為祭酒太學生常數千人嘉會與訥及左司業龔穀嚴
立楷範三人者春秋已高鬢鬢鬢如正其衣冠旦夕端
坐諸生雲集階下肅然望而畏之以是士類率教多所
造就上知其勞眷待殊厚蓋洪武時有左右兩司業也
司業以上

國子祭酒四司業附

原成均監也

太學國學

增為終身

宋書丘靈翰領東觀祭酒曰人居官

願速遷使我為祭久不調明獻徵錄曰陳敬宗字光
酒終身不恨也
生剛介官太學二十餘年諸生位有至
御貳者而敬宗獨久不調意豁如也
原奏立國子
學晉諸公贊云裴頠惠帝時拜為國子祭酒奏
立國子太學起講堂築門閣刻石以寫五經
興國學晉中興書陳郡袁錄云袁環字山甫為國子祭
之國學之興酒時屢經喪亂禮教陵遲上疏求立學徒帝從
自環始也
劉毅博學多聞臧榮緒晉書云武帝詔
毅為散騎常侍國子祭酒劉智學行優著
其以智為戴逵遠槩發蒙胄子王珣啓戴逵為祭酒
國子祭酒
綽有遠槩堪
發胄子之蒙
庾純儒行訓導國子
也宜訓導國子古敦說詩書儒行
業陽城遺愛碣云帝求師儒貳
我成均進退作則動言是鉞
命樂正宋蘇轍除盛
設官部
開益頁
國子祭酒

正之官輔司成之位往祇厥職
 毋使陽城韓愈之流專美前世
 參掌禮儀唐韋叔夏
 遷成均司業久視元年特下制曰禮儀國家所重司禮
 博士未甚詳明成均司業韋叔夏太子率更令祝欽明
 等博涉禮經多所該練委以參掌冀弘典式自今
 司禮所修儀注並委叔夏等刊定訖然後進奏
 詩規諷唐郭山惲景龍中累遷國子司業帝昵宴近臣
 孿舞將作大匠宗晉卿為渾脫舞左衛將軍張洽為黃
 慶舞給事中李行定歌車駕西河曲各有所陳皆鄙黷
 山惲惲知誦詩乃誦鹿鳴蟋蟀二篇未畢中書
 令李嶠以其近規諷止之帝嘉其直下詔褒咨
 崇敬
 建議又歸崇敬字正禮大曆中授國子司業時皇太子
 官名不稱請改國子為辟雍省又以祭酒之名非學
 官所宜按周禮師氏掌以義詔王教國子請改國子為
 太師氏又司業者禮記云樂正司業正長也言樂官之
 長司主此業按周頌設業設虞則業是懸鐘磬之柶虞
 也今太學於義則無所取請改司業一為右師一為
 右師詔下議者以為習俗既久重難改作其事不行

陽城下遷又陽城下遷國子司業引諸生告之曰凡學
 乎明日謁城還養者二十輩有三年不歸侍者斥之簡
 孝秀德行升堂上沈醜不率教者皆罷之躬講經籍生
 徒斤斤皆經義課試之始宋高開字抑崇紹興時為
 有法度宜先經術帝曰士習詩賦已久遽能使之通經乎問曰
 先王設太學惟講經而已國初猶循唐制用詩賦神宗
 始以經術造士遂罷詩賦又慮不足盡人才乃設詞
 學一科今宜以經語孟義為主而加詩賦帝然之問於是條
 具其法以六經語孟義為一塲詩賦次之史論時
 務策又次之太學課試及郡國科舉盡以此為法
 國升補之制宋史郡國士補國科舉盡以此為法
 國子祭酒五

原表齊王融為王儉讓國子祭酒表曰竊以庠均義重
 振古所崇資師道尊有來攸尚匪曰蘭芷疇變入室之

情不自朱藍何遷素絲之質况臣仁慙富似德謝潤身
識陋令經器非匣重何以昇墜道於殊年反斯文於遙
日將使良璣脩竹無增瑩羽敬遜務時遂騫星歲 又
表曰臣聞脩瓦方湛弱露霑而取覆懸衡紀正輕塵委
而必移况臣才非應俗用乖知治取其集冰飲水旌懸
輪驚方臣之念未足言矣 後魏温子昇為安豐王延
明讓國子祭酒表曰臣聞寶劍未砥猶乏切玉之功美
箭闕羽尚無衝石之勢况才非會稽之竹質謝昆吾之
金至於敷教東序流訓上庠置樽候酌懸鐘待叩必須
蘊朱藍以成彩立規矩以為式垂三行於貴游揚六藝

於胄子而臣學愧聚沙問慙攻木雖歷文史不治章句
於茲曠官青衿何仰 **增**唐李嶠讓成均祭酒表曰東
序蟻學稱為教化之宮西膠席門實應文章之宿論姬
孔之制度談夏商之損益方期遺典墜業有可發明豈
伊曲學謏聞所堪尸忝伏望俯停庸察改命耆儒則授
几肆筵還知入廟之禮褒衣博帶不濡在梁之翼

監丞一主簿 典簿附

原杜氏通典曰監丞隋置二人唐一人 **增**文獻通考
曰宋遼一人金二人明昌二年增一人兼提控女直學
元一人專領監務明置二人監丞坐繩愆廳叅領監事

凡師生怠教不率教及廩膳不潔並糾懲之而堅明其約束師生有過書而識之建文時陞監丞為堂上官永樂初復舊仍為屬官 **原**主簿杜氏通典曰北齊置隋一人唐因之 **增**續文獻通考曰宋置主簿一人以京官或選人充掌文簿以勾考其出納元置典簿一人掌提調諸生飲膳與凡文牘簿書之事明因之典簿典出納文移受支金錢季報課業

監丞二 主簿 典簿附

增南丞改北 明獻徵錄曰張顯字緝熙洪武中被薦自勤六館皆敬重之乃條陳百務成法益備時北監初建惟司業員秦署印教凡不行朝議以顯素諳典章乃

奏改北詔報以遂兼程以往經理學舍勸懲淑慝百廢畢興輔秦所不逮泰舊嘗為南監助教顯降意下之協恭和衷眾中學切激勵後進於是諸生翰檢為丞又數千人肅然敬服莫不以顯為能盡職 林大猷字子道舉鄉薦遷國子學錄勤於啓迪執經從游者無慮數百輪番聽講又約日通集大學諸生聽講謂之善講祭酒耿裕待以賓禮進蓋丞滿九 **擢恬退**載陞翰林院檢討仍管監丞事 以上監丞 **擢恬退**宋史曰韓維字持國仁宗患縉紳奔競論近臣曰恬退者旌擢則躁求者知恥於是宰相文彥博宋庠等言維好學嗜古安於靜退乞加甄 **兼書庫** 宋國子監有書錄以厚風俗除國子監主簿兼書庫 **力學多通** 唐書曰充掌印經史尋書以備朝廷宣索 **力學多通** 賜予之用降輿問詔主簿兼書庫 **力學多通** 愈稱宗師議論有經據嘗薦其材云 **論事不合** 宋史時宰不合乞去主簿論事與 **成儒名盡子職** 明徵錄曰蕭邦現廬陵人舉明經為邑學訓導每得俸給必製衣服備甘旨以奉父母扁其堂曰養志明初陞國設官部 州置官為卷九十五 **監丞**

子典簿見諸生有三年省祭及為養親而行者必委曲
成就之有不顧父母之養者輒呵責之祭酒張顯宗司
業張智禮重之亟稱其孝 仕不近利學不近名 趙魯
友尚確山陰人宣德初領鄉薦歷任教諭正統十二年
始陞國子監典簿日端坐觀書詠詩校對誰缺或忘寢
食暇則鳴琴自娛祭酒陳敬宗謂人曰趙尚確任不近
利學不近名對之坐談簡淡有味令人興起今之黃叔
度也久之遷典簿益勤敏盡職不以為累及秩又滿引
年致仕行李無一長物惟囊書數百卷而去 以上主
簿典簿

助教一 學正 學錄(附)

原杜氏通典曰晉咸寧四年初立國子學置助教十五
人以教生徒江左及宋並十人 宋置易尚書毛詩禮記
周禮儀禮左傳公羊穀
梁各為一經論語孝經為 宋齊並同梁國子助教舊視
一經合十經助教分掌

南臺御史品服與博士同陳因之後魏亦有之北齊置
十人隋置四人唐國子助教三人諸府州縣各有助教
職員 府州二人縣一 **續**文獻通考曰遼國子學太
學並置助教金國子學助教二人太學助教四人元國
子學助教四人分掌各齋生員明置助教十五人與學
正學錄坐正義崇志廣業脩道誠心率性堂專職教誨
嚴程課講解經義文字約之規矩 學正學錄續文獻
通考曰宋國子正錄大觀初置掌行學規糾不如規者
罰之太學正錄仁宗朝胡瑗掌太學其正錄第補諸生
熙寧末興三舍始遷官為正錄如學官之制正錄各五

人元置學正學錄各二人督習課業明因之置學正十人學錄七人其職掌與助教同

助教二 學正 學錄(附)

增 二蓋齊名

唐書曰蓋文達博涉經史刺史竇抗嘗廣達咸在坐文達亦參焉既論難大儒劉焯劉軌思孔穎之問蓋生所受學劉焯曰此生岐嶷出自天然以多問寡焯為師抗曰可謂永生於水而寒於水矣武德中為國子助教其宗人文懿亦以文業知名當時稱二蓋焉文懿武德初歷國子助教嘗開講毛詩發題公卿咸萃更相問難文懿發揚風雅甚得詩人之致貞觀中終國子博 三國釋憾 麗百濟同伐新羅連年不解兵帝假子舍員外散騎侍郎持節諭旨釋三國之憾子舍有儀觀夷人尊畏之二國上書謝罪贈遺甚厚 恬靜安職 秩滿需次者久之永樂庚辰宜附國子典籍大

學士楊士奇雅重之九年秋又滿乃書最以去既歸省先墓及復任又久之乃得陞助教恬靜安職絕無外慕人以為 模範端重 友嚴正重義輕利所以教為人孝賢云 士敬信之去則立主祀於名宦祠在南 挾策趨門下 監日久模範端重公卿大夫咸加尊禮 元史曰虞集除國子助教即以師道自任諸生時其退每挾策趨門下卒業他館生多相率詣集請益

考最不自陳 助教九年考最凡考最復職者皆援例自陳得陞眾謂賢易自陳曰吾常或學者宜安 繫籍聖 命乃今自謂之耶卒不自陳 以上助教 賢 宋史曰度宗時國子正余安裕乃謝枋得之物少從枋得學客有盛談安裕於枋得者枋得笑曰昔呂東萊中宏詞科而歸學者羣登其門請升講坐東萊問其東萊勿許曰伯恭未是繫籍聖賢豈可升坐東萊問其故同父曰官為宰相可以生殺廢置人官為臺諫可以彈駁榮辱人官為國子監可以考校舍法去取人開口三等謂之繫籍聖賢東萊大笑而止今安裕為國子正

設官部 尚書領承九十五 助教

乃繫籍聖賢宜乎子之敬畏而稱頌之也客大慙按熙
寧中興三舍始選學正凡五人掌行學規諸生之度規
矩者待以一命為正又曰周邦彥字美成元豐間初
異之命侍臣讀於通英閣召赴大儒為正宋真德秀
為國纂輯本末宋史素編年事多間斷莫詳始末茂
子正良對曰近有太學錄素樞嘗取資治通鑑各分條目輯
為一書謂之通鑑越格進用未幾會太學錄關參政龔良行宰
御覽越格進用未幾會太學錄關參政龔良行宰
相事奏曰太學錄一闕林所推者越拘學而用則人自服矣上問為誰以傳為士
對上曰是朕所素知者除命一下果無異辭
等上舍特與補左承伯衡恬靜寡欲明獻徵錄蘇伯
務郎除太學錄焉伯衡恬靜寡欲明獻徵錄蘇伯
金華人文定公轍九世孫也元末舉鄉貢進士入明選
為國子學錄遷學正屹然以師道自任教胄子者五年

近臣有薦其才於上者即日召見親擢為翰林國史院
編修伯衡以曠疾辭不受尋乞省覲歸洪武十年宋濂
以學士承旨請老既入謝上問曰伯衡臣鄉人也博學
卿者乎其舉有法要不可代濂曰伯衡臣鄉人也博學
文詞蔚瞻有法要不可代濂曰伯衡臣鄉人也博學
館舍自幸執以下成躬往候詢及輒以疾對明日入見
周辭乃賜表裏寶鈔遣歸二十一年會試復徵聘伯衡
為考試官事竣復辭歸伯衡為一人恬靜寡欲容貌不踰
中人而學問可以兼天下蕭執陪祀應制又蕭執字
有集六卷宋濂劉基序之蕭執陪祀應制又蕭執字
上第為國子學錄蓄學日富尤長於詩洪武五年夏至
上將有事於北郊前期為諸齋宮召宋濂等率文學能
賦之士從焉於是執偕禮部尚書陶凱等十二人趨入
齋殿以見上顧問曰今茲祀事是將天字澄霽克厭朕
心爾等以見上顧問曰今茲祀事是將天字澄霽克厭朕
殿下柳檜并荷露退而詩成以次呈獻上親覽之命第
有差既而復命賦詩者往殿後觀梳子花人給紙一俾
各賦詩成敘進如初執最在後上閱其詩喜動顏色
命起居注劉季道出諸詩令在侍者徧觀之執班列最
遠則又召使前焉為上所寵賚如此助教博士
設官部助教博士
附錄卷九十五

博士一

大學博士
律學博士

廣文館博士
書學博士

四門博士
算學博士

原杜氏通典曰國子博士班固云按六國時往往有博

士掌通古今

又曰博士秦
官漢因之

漢博士多至數十人冠兩梁

武帝建元五年初置五經博士宣帝成帝之代五經家

法稍增置博士一人博士選有三科高第為尚書次為

刺史其不通政事以久次補諸侯太傅

元鼎中徐偃為
博士使行風俗

偃矯制使膠東魯國鼓鑄鹽鐵深奏事張湯劾偃以矯

制法至死偃以春秋之義大夫出疆有可以安社稷利

萬人專之可
也湯不能誅

後漢博士凡十四人

易施孟梁丘京氏尚
書歐陽大小夏侯詩

齊魯韓毛禮大小戴掌以五經教子弟國有疑事掌承

問對舊時從議郎為博士其通叡異藝入平尚書出部

刺史諸侯守相久次轉諫議大夫中興高第為侍中小

郡若都尉博士限年五十

其督郵板狀曰生事愛敬喪
沒如禮理易尚書孝經論語

兼宗載籍窮微闡與師事某官經明受謝見授門徒尚

五十人以上正席謝生三郡三人隱居樂道不求聞達

身無金痰痼疾三十六屬不與妖惡交通王侯賞賜行

應四科經任博士下言某官某甲保舉順帝諱保故稱

守安帝以博士多非其人詔命三公將軍中二千石舉

博士各一人務得經明行高卓爾茂異是時羣僚承風

凡所旌貢綽有餘裕後旋復故遂用陵遲初平帝元始

四年改博士為博士師後漢兼而存之並擇儒者

桓榮
魯恭魏及西晉朝博士置十九人武帝咸寧四年

初立國子學置國子博士一人皆取履行精淳通明典

義若散騎常侍中書侍郎太子中庶子以上乃得名試
諸生有法度者及白衣試在高第拜郎中元帝時荀崧上疏曰昔咸
寧太康永嘉之中侍中常侍黃門通治古今行為世表者領國子博士宋齊諸博士皆阜
朝服進賢兩梁冠佩水蒼玉梁國學有博士二人天監
四年置五經博士各一人魏晉宋齊並不置五經博士至此始置焉舊國子
學生限以貴賤武帝欲招來後進五館生皆引寒門雋
才不限人數陳因之後魏北齊並有之魏崔逸為國子博士每公事逸
常被詔獨進博士特命自逸始也隋仁壽元年省國子博士大業三年
復置一人唐增置二人龍朔二年改為司成宣業咸亨
初復舊諸州府亦有經學博士一人 漢舊儀曰孝文

皇帝時博士七十餘人朝服元端章甫冠 又曰武帝
初置博士取學通行脩博識多藝曉古文爾雅能屬文
章為高第朝賀位次中都官吏稱先生不得言君其弟子
稱門人 應劭漢官儀曰博士秦官也博者通於古
今士者辨於然否孝武建元五年初置五經博士太常
差次有聰明威重者一人為祭酒總領綱紀 **增**文獻
通考曰宋國子監無博士有直講八人熙寧改為太學
博士元豐定制亦無國子博士大觀元年乃置國子博
士四員國子正錄二員與太學官分掌教道中興後置
國子博士二員 續文獻通考曰金國子博士二員分

掌教授生員考藝業 又曰元國子博士二員掌教授
生徒考校儒人著述教官所業文字 又曰明國子監
博士五人坐博士廳分經訓教 **原**太學博士杜氏通
典曰晉江左增置國子博士十六人謂之太學博士品
服同國子博士梁置太學博士八人陳因之後魏亦然
北齊國子寺有太學博士十人後周置太學博士下大
夫六人隋初置太學博士五人仁壽元年罷國子惟立
太學置博士五人大業三年減置二人唐因之助教後
魏置北齊亦有之置二十人後周曰太學助教上士隋
又曰太學助教五人大業三年減三人唐因之 **增**文

獻通考曰宋太學博士元豐改直講為之紹聖元年令
太學博士正錄令國子監長貳薦舉召試而後除紹興
十二年置太學博士三員 **原**杜氏通典曰廣文館博
士一人助教一人並以文士為之唐天寶九載置四
門博士後魏書劉芳表云太和二十年立四門博士於
四門置學按禮記曰天子設四學鄭元注同四郊之虞
庠也今以其遠遠故置於四門請移與太學同處從之
北齊二十人隋五人唐三人助教北齊國子寺有二十
人隋初則五人唐因之直講四人唐初置無員數長安
四年始定為四員大成二十人唐置取貢舉及第人簡

聰明者試書日誦得一千言并日試策所習業等十條
通七然後補充仍散官祿俸賜會同直官例給武后長
安中省而置直講定為四員又曰律學博士晉置屬
廷尉衛凱奏請律學博士轉相教授東晉以下因之梁
曰胄子律博士屬廷尉陳亦有律博士後魏北齊並有
之隋大理寺官屬有律博士八人唐因之而置一人移
屬國學置助教一人而從九品上又曰書學博士唐
置三人又置典學二人貞觀六年正月命整治御府古
今工書鍾王等真蹟得千五百
論書徵曰褚遂良下筆道勁甚得王逸少體太宗即日
召令侍讀常以金帛購求王羲之書蹟天下爭賣古書
詣闕以獻當時莫能辨其真偽遂良備論所出一無所

設武后神功元年謂鳳閣侍郎王方慶曰卿家多書合
有右軍遺蹟對曰臣十代再從伯祖羲之書先有四
餘紙往貞觀十二年太宗購求先並已進詎臣十一
代祖導十代祖洽九代祖珣八代祖曇首七代祖僧綽六
代祖仲寶五代祖鸞萬祖規曾祖褒并九代三從伯祖
晉中書令獻之以下二十八人書共十卷今進上后御
武成殿示美羣臣仍令中書舍人崔融為
寶章集以敘其事復賜方慶當時以為榮
又曰算學
博士二人典學
二人

博士二

原典儀曰公儀休者魯博士也為魯相無所變更百官
自正使食祿者不得與下爭利漢書曰賈誼洛陽人
年十八以能誦詩屬書稱於郡中文帝召以為博士是
時年二十餘最為少每詔令議下諸老先生未能言誼

設官部

開益貢為卷九十五

博士

盡能為之對人人各如其意所出 魯國先賢傳曰漢文帝時聞申公為詩最精以為博士申公為詩傳號曰魯詩 漢書曰公孫弘對策時百餘人太常奏弘第居下天子擢弘對為第一召入見容貌甚麗拜為博士待詔金馬門 殷氏世傳曰殷亮字子華建武中徵拜博士遷講學大夫諸儒講論勝者賜席亮重席至八九帝嘉之曰學不當如是耶 李邵別傳曰邵上書太后數陳忠言其辭不能盡施用輒有策詔褒賚焉博士著兩梁冠朝會隨將大夫例時賤經學博士乃在市長下公奏以為非所以敬儒德明國體也上善公言正月大朝

引博士公府長史前 東觀漢記曰桓榮授皇太子經每朝令榮於公卿前說經上曰得卿幾晚因除博士又曰薛漢字子公才高名遠兼通書傳無不招覽道術尤精教授常數百子弟自遠方至者著為錄 范曄後漢書曰董均字文伯永平初為博士時草創五郊祭祀及宗廟禮樂威儀章服輒令均參議多見從用為當世通儒 後周書曰熊安生字植之初仕北齊為國子博士周武帝入鄴安生遂令埽門家人怪而問之安生曰周帝重道尊儒必將見我矣俄而帝幸其第詔不聽拜親執其手引與同坐謂曰朕未能去兵以此為愧安

生曰黃帝尚有阪泉之戰况陛下恭行天罰乎帝又曰齊氏賦役繁興竭人財力朕救焚拯溺思革其弊欲以府庫及三臺雜物散之百姓何如安生曰昔武王克商散財發粟陛下此詔異代同美帝又曰朕何如武王安生曰武王伐紂懸首白旗陛下平齊兵不血刃愚謂聖略為優帝大悅賞賜優厚令隨駕入朝并較所在供給至京 隋書曰馬光階開皇初高祖徵山東文學之士光與張仲讓孔龍實士榮張買奴劉祖仁等俱至並授太學博士時人號為六儒 唐書曰徐曠字文遠博通五經時者儒沈重講太學授業常千人文遠從之質問

不數日辭去或問其故答曰先生所說紙上語耳若輿境彼所未見者尚何觀重知其語召與反覆研辨嗟歎其能實威楊元感李密王世充皆從受學隋開皇中累遷太學博士後歸高祖仍為國子博士高祖幸國學親釋奠文遠發春秋題講難風生隨方占對莫能屈帝異之 又曰陸元朗字德明補太學博士高祖已釋奠召博士徐文遠浮屠慧乘道士劉進喜各講經德明隨方立義徧析其要帝大喜曰三人者誠辨然德明一舉輒蔽可謂賢矣賜帛五十匹遷國子博士 又曰鄭虔以私撰國史坐謫明皇愛其才欲置左右以不事事更

為置廣文館以虔為博士虔聞命不知廣文曹司何在
訴宰相宰相曰上增國學置廣文館以居賢者令後世
言廣文博士自君始不亦美乎虔乃就職久之兩壞廡
舍有司不復脩完寓治國子館自是遂廢 又曰韓愈
再為四門博士才高數詘官又下遷乃作進學解以自
喻 又曰歸崇敬擢明經調國子直講舉博通墳典科
對第一遷四門博士 宋史曰宋處士王昭素博通九
經著易論三十三卷太祖徵為國子博士令講乾卦九
五飛龍在天姤容曰此正當陛下今日之事因示諷諫
太祖大悅又問治世養身之術昭素曰治世莫若愛民

養身莫若寡欲太祖愛其言書於屏几 又曰孔維太
平興國中就拜國子周易博士代還遷禮記博士十七
年使高麗王治問禮於維維對以君父臣子之道升降
等威之序治悅稱之曰今日復見中國之夫子也 又
曰李覺字咸熙太平興國中舉九經起家遷禮記博士
賜緋魚雍熙三年與右補闕李若拙同使交州黎桓謂
曰此土山川之險中朝人乍歷之豈不懼乎覺曰國家
萬里列郡四百地里平易亦有險固此一方何足云哉
桓默然色沮使還遷國子博士 又曰孫奭字宗古為
國子監直講太宗召奭講書至事不師古以克永世匪

說攸聞帝曰此至言也商宗乃得賢相如此邪因咨嗟久之賜五品服 又曰太宗時判國子監李至上言本監先校定諸經音疏其間文字訛謬尚多蓋前所遣官多專經之士通春秋者未習禮記習周易者不通尚書故未得周詳伏見國子博士杜鎬直講崔頤正孫奭皆苦心強學博貫九經問義質疑有所依據望令重加刊正從之 又曰胡瑗字翌之授光祿寺丞國子監直講先是瑗教授湖州教人有法科條纖悉備具慶曆中興太學下湖州取其法著為令既居太學其徒益衆太學至不能容取旁舍處之禮部所得士瑗弟子十常居四

五隨材高下喜自修飾衣服容止往往相類雖不識者知其為瑗弟子也 又曰孫復字明復范仲淹富弼薦其經術宜在朝廷除祕書省校書郎國子監直講後貶通判未行翰林學士趙槩等十餘人言復經為人師不宜使佐州縣仍留直講 元史曰尚野字文蔚大德間為國子博士誨人先經學而後文藝每謂諸生曰學未有得徒事華藻若持錢買水所取有限能自鑿井及泉而汲之不可勝用矣 明獻徵錄曰趙俶字本初洪武六年除國子博士既教胄子隨扣輒應莫不樂得經師上一日御奉天殿倣偕諸儒侍側召至前諭之曰經學

必宗孔子毋以儀秦縱橫語示諸生也倣頓首謝歸告
誠士子屏去戰國策諸書勿讀明年詔擇諸生之聰悟
能文者二十五人命倣領而顛教之且令修詞以漢司
馬遷班固唐韓愈宋歐陽修蘇軾為法尋於諸生中擢
李擴黃義等入文華武英二堂說書多至大用倣自專
師席旦夕誨迪不倦士多成業

博士三

增給札 被酒 宋史曰徽宗時陳暘為太學博士禮部
侍郎趙挺之言暘所著樂書二十卷貫
穿明備乞援其兄祥道進禮書故事給札
又曰郭忠恕周廣順中為宗正丞兼國子書學博士改周易博士
建隆初被酒與監察御史符昭文競於朝堂
御史彈奏忠恕叱臺吏奪其奏毀之坐貶

原稽同

異

辨然否

漢官解詁云博士稽合同異
講語五始下詳漢官儀

延問得失

用質疑滯

漢書云翼奉字少君治齊詩與蕭望之
衡同師元帝初即位諸儒薦之徵待詔宦

者署數言事晏見天子敬焉後遷博士上延問得失
晉中興書陳郡謝錄云謝沉字行思時朝議七廟毀於
是徵太學博士

儒者高之

學人遠至

續漢書云桓榮
為博士榮之官

車駕親幸儒者高之謝承後漢書云路仲翁好
學家居受學者自遠方而至上聞其名徵為博士

孺通尚書

仲舒治春秋

漢書云章賢字長孺為人質
樸少欲篤志於學兼通禮尚

書以詩教授號稱鄒魯大儒徵為博士又云董仲舒
以治春秋考景時為博士下帷講誦弟子以久次相授
或不見災異問子思大議訪范叔思以平當字子
其面

士每有災異輒傳經術言得失也東觀
漢記云范叔遷博士每有大議輒見訪問

會

叔孫起朝儀

魏志云高堂隆字叔平為博士文帝
初踐阼羣臣或以為宜饗會隆曰唐

設官部

博士

博士

博士

虞有過密之哀高宗有不言之思是以至德雍熙光於
四海以爲不宜爲會帝敬納之史記叔孫通爲博士
號稷嗣君徵魯子叔善蒼雅孝友通字指邴鄆淳
諸生共起朝儀字叔博學有文章又善蒼雅篆許氏字指初平時
從三輔客荆州荆州内附太祖素聞其名召與相見甚
敬異之以淳爲博士又云蘇林字孝友博學多通古
今字指凡諸書篆文間危疑林皆釋之黃初中徵拜爲
博士孔光奉使稱旨江統學義著名漢書孔光傳云
爲博士數使錄冤獄行風俗賑贍流民奉使稱旨由是
知名以高第爲尚書王隱晉書云江統字應元以學
義著名爲朱雲登堂論難子華重席講學漢書朱
雲字游是時少府五鹿充宗貴幸爲梁丘易自宣帝時
善梁丘氏說元帝好之今充宗與諸易家論充宗乘貴
辨口諸儒莫能與抗有薦雲者召入攝齊登堂抗首而
請音動左右既論難連柱五鹿君故諸儒爲之語曰五
鹿嶽嶽朱雲折其角由是爲博士下詳殷氏世傳

博士四

原射策甲科 漢書云匡衡射
古之立太學將以成先王之業流化於天下也儒林之
官四海淵源宣明古今溫故知新通達國體故謂之博
士

瘦羊博士 東觀漢記云甄宇拜博士每臘詔賜羊
分肉宇因取瘦者自是不復爭後召會
詔問瘦羊博士所在京師因以爲號
書云魯充爲博士受詔議

道之淵藪 魏志云高柔字
立七部三雍大射養老
士執經柔上疏曰博士者道之淵藪六
藝所宗宜隨學行優劣待以不次之位
與書曰博士之職非徒博習舊說訓教
徒而已端委佩玉朝之大典必詢度之
爲篤行道履先覺宜在儒林闡弘曹志

參訓國子 禮義所寄
對殿堂奉酬顧問二則以參訓國子
設官部

郭璞云秦博士典教職禮儀所寄也**增**長於樂府唐書曰張籍第進士

樂府長於稱九經庫又曰谷那律貞觀中遷國子博士為詩

被詔獨進後魏崔暉景雋好古博涉以經明行脩為高

逸嘗被詔獨進博顧見講坐宋史曰端拱元年幸國子

士特命自逸始將出西門顧見講坐左太宗幸國子

監謁文宣王畢升輦將出西門顧見講坐左太宗幸國子

李覺方聚徒講書上即召覺令對御講覺曰陛下六飛

在御臣何敢輒升高坐上因降輦令有司張帝幕設別

座認覺講周易泰卦從臣皆列坐覺因述天地感通君

臣相應之旨上甚悅持賜帛百匹說經苑中又曰真宗嘗訪達經義

對帝曰朕無事樂聞講誦翌日召願正於苑中說尚書

大禹謨賜以牙緋自是日令赴御書院待對說尚書至

十卷願正年老步趨艱難表求致仕書畫博士又曰宋帝召為書畫學

砥礪詞章明獻徵錄曰徐禎卿字昌國始舉進士為

與李夢陽何景明數子友相與砥當代稱博物隋書

頌詞章既殫力精思而傑然有立當代稱博物隋書

類守景文二十尚不知書為其兄顯所責怒乃感激讀

引為露門博士每有議決多類所為而性識甄明精力

不倦好讀諸子編記異書當代稱所為而性識甄明精力

子博弟子如朋友如朋友未嘗以師道自尊輕視弟子

拜而益來學孔氏世為博士闕里志曰孔子之後孔慎

者為孝惠博士襄生忠忠生武及安國安國生延年皆

以治尚書為武帝博士延年生霸亦治尚書昭帝末年

為博士霸生光經學尤明張禹經學精習漢書張

太子太傅蕭望之奏禹魯平兼通五經東觀漢記云

經學精習舉為博士張元兼通數家又云張元字叔陵

致致兼通五經張元兼通數家又云張元字叔陵

長卿以詩教授漢書曰薛廣德字長卿以魯詩教授

設官部淵蓋貢和卷九十五博士

博士

大夫除廣德為屬數與論議器之

薦廣德經行宜充博士論經石渠

後漢書陳元字襄孫時議欲立左氏傳博士范升奏以

為左氏淺末不宜立元聞之乃詣闕上疏力爭更相辨

對凡十餘上帝卒立左氏學

太常選博士四人元為第一

士會肅宗制定禮樂乃上疏曰昔者聖人受命而王莫

不制禮作樂以著功德功成作樂化定制禮今皇天降

社嘉瑞並臻制作之符甚於言語宜定文制禮儀

成漢禮事下太常上不可許復上疏陳制禮儀

憑解經不窮戴憑習京氏易年十六郡舉明經徵試博

居上是以不得就席帝召曰博士說經皆不如臣而坐

能說經者更相詰難義有不通輒奪其席以益通者

原樂詳五業並授魏略曰樂詳字文裁少好學黃初中

業前授或遇難解質而不熟悉略不親教備員而已惟詳五

引類至晉起居注云武帝太熙元年

忘寢食唐書曰肅宗時賈至議今

子博唐書曰肅宗時賈至議今

子博唐書曰肅宗時賈至議今

徒使在桑梓者鄉里舉焉在流寓者庠序推焉議者多

附其本傳孔穎達大業初舉明

議經高第授河內郡博士楊

帝召天下儒官集東都詔國子秘書學士與論議穎達

為冠又年最少老師宿儒取出其下陰遣客刺之匿楊

得免

博士五

增詩唐杜甫贈鄭虔博士詩曰諸公衮衮登臺省廣文

先生官獨冷甲第紛紛厭梁肉廣文先生飯不足先生

有道出羲皇先生有才過屈宋德尊一代常坎軻名垂

設官部

開盤類函卷九十五

博士

三

萬古知何用杜陵野客人更嗤被褐短窄鬚如絲日糴
太倉五升米時赴鄭老同襟期得錢即相覓沽酒不復
疑忘形到爾汝痛飲真吾師清夜沉沉動春酌燈前細
雨檐花落但覺高歌有鬼神焉知餓死填溝壑相如逸
才親滌器子雲識字終投閣先生早賦歸去來石田茆
屋荒蒼苔儒術於我何有哉孔丘盜跖俱塵埃不須聞
此意慘愴生前相遇且銜盃 宋王安石再至學省作
詩曰平生擾擾復膠膠學省重來歲又交騎馬醉遭官
長罵讀書慚被學生嘲何為眷戀米五斗便可經營把
一茆好買江干千個竹待看煙雨長春梢 明祭酒陳

敬宗贈典籍趙魯詩曰充棟羣書萬玉林縱觀窺見聖
人心每隨松影移瑤席時對梅花奏綠琴但學古人敦
素履不同時俗論浮沉公餘最是怡情處青鳥時時送
好音

增敕明太祖敕國子監博士錢宰致仕敕曰朕昔勘定
四方即開學校延師儒俾勳賢之子弟凡民之俊秀莫
不從學教之以經史六藝明體適用布列中外以共保
太平於無窮國子學助教錢宰學問老成訓導有方在
學數年綽有成效朕方嘉諸生有所矜式而年滿七十
懇辭還鄉特授文林郎國子博士致仕爾尚師表一鄉

訓誘後進以裨治政庶幾不愧卿大夫之教則朕猶有望焉

原箴漢揚雄博士箴曰洋洋三代典禮是脩畫為辟雍國有學校侯有泮宮各有攸教德用不陵昔在文王經營其軌勗於德音而思皇多士多士作楨惟周以寧國人興讓虞芮質成公劉挹行潦而濁亂斯清官操其業士執其經昔聖人之綏俗莫美於斯化故孔子觀夫人之學而知為王之易大舜南面無為而衽席平還師階級之間三苗以懷秦作無道斬決天紀漫彼王迹而坑術士

原表梁丘遲為王博士讓表曰臣聞撫臆可以言心量能則知所止是故矯親魯門簡業事亡雜吹齊雅分聲遽逝臣才行過汗文質無廉疎達謝於谷杜浹洽乖夫劉楊非除部養之勤豈通掌故之業

禮記唐柳宗元四門助教廳壁記曰周人置虞庠於四郊以養國老教胄子祭統曰天子設四學蓋其制也易傳太初篇曰天子旦入東學晝入南學夕入西學暮入北學蔡邕引之以定明堂之位焉大戴禮保傅篇曰帝入東學以貴仁入南學以貴德入西學以貴信入北學以尊爵賈生述之以明太子之教焉故曰為大教之官

禮記

禮記

博士

禮記

而四學具焉參明堂之政原大教之極其建置之道弘也後魏太和中立學於四門置助教二十人隋氏始隸於國子而降置五人國朝始合於太學又省至三人負位彌簡其官尤難非儒之通者不列也四門學之制掌國之上士中士下士凡三等侯伯子男凡四等其子孫之為胄子者及士庶人之子為俊士者使執其業而居其次就師儒之官而考正焉助教之職佐博士以掌鼓篋榘楚之政令分其人而教育之其有通經力學者必於歲之杪升於禮部廳簡試焉

學生

原順帝二百人

胡伯始漢官儀云順帝時學生二百人

丙科補文學

又云

弟子丙科補文學

郭憲遊志太學

汝南先賢傳云郭憲字子橫體忠烈之節遊志太學

貫通秘奧光武嘉之

孔嵩遊集帝學

謝承後漢書云孔嵩字仲山與范式俱在太學

下牀以拜仇香

後漢書仇香傳云香在太學符融與郭泰齋刺就房謁之遂請留宿泰嗟歎下牀為

拜

仇香不與賓言

又云仇香在太學符融與香比字有高名賓客如雲香終日不

與賓客言融奇之乃邀與之語香高揖

正色曰天子設太學豈但使人遊談

漢末至五千

人擊虞決疑要注云漢末弟子

通二經補文學

又云弟子滿二

歲通二經者

補文學掌故

通一經稱弟子

又云魏時募學者好誦

稱弟子

上書以請嵇康

王隱晉書云晉文王

書請嵇康為博士

堂八千餘人

唐太宗時太學四門學小學三學生至二千二百四方秀艾挾策負素空集京師文

設官部

附錄

學生

三

治增然勃興於是新羅高昌百濟吐蕃高麗等國並遣子弟入學鼓箏鐘堂者凡八千餘人雖三代之盛所未聞也

能通一經入貢 唐書云自屯營飛騎皆給博士授經能通一經者聽入貢限

能通一經署吏 又云其三學諸生署吏 諸生閉之空舍 又

何蕃和州人事父母孝學太歲一歸父母不許間二歲乃歸復不許凡五歲慨然以親老不自安捐諸生去

乃共開蕃空舍中眾共 伏闕請留李綱 宋史曰陳東

狀蕃義白陽城請留之 伏闕請留李綱 宋史曰陳東

京梁師成等六賊及罷李綱復率其徒伏闕上書請誅蔡

軍民從者數萬傳旨慰諭者旁午眾莫肯去喧呼震地

因亟命綱入復領行營遣撫諭乃稍引去高宗即位東

復上書為汪潛 上書攻賈似道 又曰葉李字太白少

善等語殺之 賈似道復入相益驕恣自顯中外無敢指議李乃與同

舍生康棣而下八十三人伏闕上書攻似道似道大怒

知書稟出於李嗾其黨誣以 別為書薦其人 元史曰

罪竄漳州似道死乃得自便

請生以次出補吏莫不爭先出時有一生親老且貧同舍生有名在前者因博士以告祭酒曰我齒頗少請讓之祭酒劉廣曰讓德之恭也從其讓別為書薦其人朝廷反先用之自是六館之士皆知讓之為美德也

積分可得文學之士 又曰國學舊法每以積分次第貢廢之而以推擇德行為務許有士為中書左司員外折之曰積分雖未盡善然可得博學能文之士若擇德行其名固佳恐皆厚貌深情專意外飾或慘不能識丁矣

淵鑑類函卷九十五

設官部 淵鑑類函卷九十五 學生 五

尚膳監 司設監 司禮監 御馬監 直殿監
庫 中制 針工局 織染局 內承運庫 司輪
苑局 司牧局 內官十一監 大長秋 顏料局 內謁
者監附

少府監 一少監 丞 主簿 中尚署 織染署
綾錦院 染院 裁造院 文思院

原杜氏通典曰少府秦官漢因之是為九卿掌山海池

澤之稅以給供養應劭曰山海池澤之稅名曰禁錢以
府顏師古曰大司農供軍國之用少府以養天子也故稱少
子曰少府諸侯曰私府漢時官有私府長掌禁錢後光
武改屬司農也後漢少府卿一人掌中服御之諸物衣
服寶貨珍膳之屬朝賀則給璧後漢東平王蒼為驃騎
正月朔朝蒼當入賀故

事少府給璧時除就為少府驕慢不奉法漏將盡而求
璧不得蒼掾朱暉遙見少府主簿持璧乃往給曰試請
觀之既得而馳奉之就復凡中書謁者尚書令僕射中
以他璧朝給音徒改反
常侍黃門御史中丞以下皆屬焉晉制銀章青綬五時
朝服進賢兩梁冠絳朝服佩水蒼玉哀帝末省并丹陽
尹孝武復置宋少府領左右尚方御府東冶南冶平準
等令丞齊又加領左右銀鍛署梁少府為夏卿位視尚
書左右丞陳因之後魏少府謂之六卿以少府宗正太
六卿為至孝文太和中易制官品遂改少府為太府北齊
無少府其尚方等署皆隸太府至隋煬帝大業五年又
分太府為少府監置監及少監復領尚方織染等署後

又改監少監並為令唐武德初置軍器監廢少府監貞
 觀元年五月分太府中尚坊織染坊掌冶坊置署少府
 監龍朔二年改為內府監咸亨元年復舊光宅元年改
 為尚坊監神龍元年復舊監一人總少監二人
通判初
 年加一人領中尚左尚右尚織染掌冶等五署開元十
於北都置軍器監 丞漢有六人後漢省五而有一人
 其後歷代皆一人山公啓事曰中郎衛昱往為少府丞
子門夫缺不審 唐置四人 主簿晉置二人自後歷代
 一人唐有二人 中尚署周官為王府秦置上方令漢
 因之後漢主作手工作御刀劍玩好器物及寶玉作器

宦者蔡倫為尚方令監作祕劍及兩漢又有考工令主
 諸器械莫不精工堅密為後代法
 作兵器其職稍同考工令作兵器兵器成則傳執金吾
中屬主尚光 漢末分尚方為中左右三尚方魏晉因之
武時屬太僕 自過江惟置一尚方哀帝以隸丹陽尹宋武帝踐祚以
 相府作部配臺謂之左尚方面本署謂之右尚方並掌
 造軍器又以相府細作配臺即其名置令一人隸門下
 孝武大明中改曰御府御府二漢已有之典官婢作褻
江左乃 後廢帝初省御府置中署隸右尚方則漢之考
省焉 工令如宋之尚方令尚方令如宋中署矣齊置左右尚
 方令各一人梁有中左右尚方北齊亦有三尚方隸太

設官部

尚監類卷九十六

少府監

三

府隋煬帝分隸少府唐省方字有中左右三尚署令丞

各一人中署掌宮內營造雜作左署掌車輦織扇膠漆

元以後別置中織染署令一人周禮天官典絲掌受

尚使以監之

文質采組焉染人掌染線帛秦置平準令平準令主染

色染有官平之法故準而則之漢因之及主物價練染初少府屬官有

東織西織成帝省東織更名西織為織室北齊中尚方

領涇州雍州絲局定州細綾局丞後周有司織下大夫

隋有司織司染二署煬帝合為織染一署令掌織絁組

綬綾錦冠幘并染色等唐因之有令丞 掌冶署秦及

漢郡國有鐵官諸郡國出鐵者置鐵官長丞 晉治令掌工徒鼓鑄隸

衛尉江左以來省衛尉始隸少府宋有東冶南冶各置

令丞一人而屬少府齊因之江南諸郡縣有鐵者或置

冶令或置冶丞多是吳所置梁陳有東西冶東冶重西

治即宋齊之南治北齊諸冶屬太府後周有冶工鐵工中士隋

有掌冶丞一人唐於京師置冶署有令丞各一人掌造

鑄金銀銅鐵塗飾琉璃玉作等事 暴室丞後漢暴室

主中婦人疾病者就北室理之其皇后海丞漢平帝置

貴人有罪亦就此室屬少府其後無之 一人掌海 果丞與海丞同置掌

稅後無 增文獻通考曰宋少府監判監事一人以朝官充凡天

子器玩后妃服飾雕文錯彩工巧之事分隸於文思院

設官部 少府監 四

後苑造作所本監但掌造門戟神衣旌節郊廟諸壇祭
玉法物鑄牌印朱記百官拜表案褥之事諸州鑄錢監
並屬少府監官各一人以京朝官及三班使臣充元豐
正官制置監少監丞主簿各一人掌百工伎巧之政令
所隸官屬五 文思院掌造金銀犀玉工巧之物金綵
繪素裝鈿之飾以供輿輦冊寶法物及凡器服之用監
官文臣一員武臣二員 綾錦院掌織絳錦繡以供乘
輿及凡服飾之用監官三人以京朝官諸司使副及內
侍充 染院掌染絲帛幣帛監官二人以京朝官及內
侍充 裁造院掌裁造服飾監官二人以京朝官及內

侍充 文繡院掌纂繡以供乘輿服御及賓客祭祀之
用建炎初以將作少府監并歸工部紹興三年復置將
作監少府事總焉 續文獻通考曰金少府監置監正
少監各一人丞二人尚方織染文思裁造文繡等署隸
焉元世祖至元十九年以大都留守兼知少府監事二
十一年并少府監於留守司其屬亦備於留守司而中
尚監乃特立者又創章佩監明初設文思院等衙門掌
造作諸事後俱裁革以其事歸工部凡少府將作等監
皆不設

少府監二

原紀經九品見揚雄考定百工傅元太尉楊彪銘曰

君高大儒東觀漢記曰年長字君高建武中拜少府

義山通士魏書索子曰或云故少府楊阜豈非忠臣哉

不道也豈非所謂王臣蹇蹇匪躬之故掌服御衣物

者歟答曰然可謂通士忠則吾不知也

掌山海池澤並詳通典案少府中二千石屬官有尚

考工室左弋居室甘泉居室左右司空東織西織東園

匠十二官令丞又胞人水均官三長丞又上林中十

池監又中書謁者黃門鈞盾上方御府丞卷內薛宣

者官者八官令丞諸僕射署長中黃門皆屬焉

兼數器漢雜事曰薛宣為少府公永上王謚有容止

襄陽記曰王謚為才茂行潔身兼數器魏志曰王觀為少府

少府有容止操行之物觀聞之皆錄奪以沒官少府統

家屋材及諸私用之寶曹爽等奢放多有干求憚

三尚方御府內職亦之寶曹爽等奢放多有干求憚

觀守法乃徒楊阜數諫爭魏書曰楊阜字義山遷少

為太僕也楊阜數諫爭府每朝廷會議常侃然以

天下為己任數諫爭不聽屢常林性清白魏志曰常

乞遜位未許會卒家無餘財常林性清白林文帝時

為少府林性既增兼領將作少府唐書曰韋弘機為

清白當官又嚴增兼領將作少府唐書曰韋弘機為

費給修隋代宮室高宗大悅詔詔為將作少府詳祕

兼將作少府二官又詳司農卿詔為將作少府書少

監少府權領鈞考宋史錢暄惟演子知台州進少府

浙轉運使負課當坐暗上言浙部仍歲饑故租賦不登

籍今使者獲罪必亟斂於民民不堪矣神宗即詔釋之

監丞得預修纂又曰呂文仲字子臧太宗時稍遷少

英華原公孫賀儒學為少府漢書百官公卿表曰武帝

為少鮭陽鴻名儒拜少府東觀漢記曰鮭陽鴻字孟

府蔡義以光祿大夫為少府漢書百官公卿表曰蔡

設官部尚監類函卷九十六少府監

孔融以將作大匠為少府續漢書曰孔融字文舉建安中以為將作大匠為少府

少府監三

原箴漢揚雄少府箴曰實實少府奉養是供紀經九品臣子攸同海內幣帑祁祁如雲家有孝子官有忠臣其僚率舊聖則越遵民以不擾國以不煩昔在帝季癸辛之世酒池糟隄而象箸以嗜至於耽樂沉湎而姐妹作崇其察不御不恢夏殷喪其國康而卒以陵遲嗜不可不察欲不可不圖未嘗失之於約嘗失於奢府臣司共敬告執觚

符節令 御府上方諸令并載

原少府屬官有符節令漢書百官公卿表曰少府官屬有符節令

書百工志云少府屬秩千石董巴漢中官傳曰符節

石兩梁集掌藝物續漢書百官志曰內者令一人秩

賢冠也掌器物又曰掌上手工御刀劍

符節令領尚書主符節事續漢書百官志曰符節令

符節郎中四人主符器械漢書百官公卿表曰少府屬官有若

節事主作器械漢書百官公卿表曰少府屬官有若

臣瓚曰冬官為考典作衣服續漢書百官志曰御府

服及補主御紙筆又曰守宮令一人六百石主御紙

浣之屬珍玩是聚崔實尚方令箴曰煌煌尚古

設官部 尚書領事卷九十六 符節令 將作監

威漢舊儀曰周禮有典瑞掌節之士蓋所以宣命重威為國信者也

將作監一丞主簿左校署右校署甄官署中校署東園主章令

增修內司東西八作司竹木務事材場
麥麩場密務丹粉所
良材場簾箔場並附
作坊物料庫

原杜氏通典曰今將作亦少皞氏以五雉為五工正以

利器用雉有五種故曰五雉唐虞共工周官考工之官蓋其職也

秦有將作少府掌治宮室漢景帝中元六年更名將作

大匠後漢位次河南尹中元二年省以謁者領之章帝

建初元年復置初以任隗為之掌修作宗廟路寢宮室

陵園木土之功并樹桐梓之類列於道側後漢志注曰古者列樹以

表魏晉因之江左至宋齊皆有事則置無事則省而梁

改為大匠卿陳因之後魏亦有之北齊有將作寺其官

曰大匠兼領功曹主簿長史司馬等官屬後周有匠師中大夫掌城郭

宮室之制又有司木中大夫掌木工之政令隋與北齊

同至開皇二十年改寺為監大匠為大監初加置副監

煬帝改大監少監為大匠少匠五年又改為大監少監

十三年又改為大令少令唐復皆為匠龍朔二年改將

作為繕工監大匠小匠隨監名改咸亨元年初復舊光宅元年改

為營繕監神龍元年復舊大匠一人總判少匠二人初判

人太極元年天寶中改大匠為大監少匠為少監領左

加置一人

校右校甄官中校四署 丞漢有二人後漢一人魏晉
因之東晉以後有事置無事省梁又置一人陳因之後
魏有之北齊四人後周曰匠師中士隋二人唐四人
主簿晉置自後與丞同隋二人唐因之 左右校署秦
及漢初有左右前後中五校令後惟置左右校令後漢
因之掌左右工徒 後漢度尚自右校
令擢拜荆州刺史魏并左校右校於
材官晉左右校屬少府宋以後並有左右校令丞北齊
亦有之隋左右校令丞屬將作唐因之左校署令丞二
人 掌營構木作
採材等事右校署令丞二人 掌營土作瓦泥并
燒石灰厠溷等事
甄官署令丞一人後漢有前後中甄官令屬將作晉有

甄官署掌甄瓦之事宋齊北齊隋悉有之唐因之掌營
甄石瓦丸 中校署令秦漢有自後無唐置令丞各一
人掌舟車雜兵仗廩牧 東園主章令漢有之武帝更
名木工 如淳曰章謂木材也舊將作大匠主材史名章
曹掾顏師古曰今之所謂木鍾者蓋聲之轉耳
東園主章掌材以供東園匠東園匠官名主作陵內器
物屬少府唐無 **增**文獻通考曰宋將作監判監事一
人以朝官以上充凡土木匠工之政隸三司修造案本
監但掌祠祀供省牲牌鎮石炷香焚版幣之事元豐正
官名置監少監各一人丞主簿各一人掌宮室城郭舟
車營繕之事凡出納籍帳歲受而會之上於工部所隸

官屬十 修內司掌宮城太廟繕修之事監官二人以
朝官及內侍充 東西八作司掌京城內外繕修之事
勾當官各三人以京朝官諸司使副充 竹木務掌受
諸路水運材植抽算商販竹木以給營造勾當官一人
以京朝官充 事材場掌計度材物前期樸斲以給營
造監官二人以京朝官三班使臣充 麥麩場掌受京
畿諸縣夏租麩麩以給圻墁監官一人以三班使臣充
密務掌陶土為甃瓦以給營繕及餅缶之用監官三
人諸司使副充 丹粉所掌燒變丹粉以供繪飾監官
一人內侍充 作坊物料庫掌儲積財物以備給用監

官三人以京朝官及內侍三班使臣充 退材場掌受
京城內外退棄材木掄其長短曲直中度者以給營造
及薪爨監官一人以京朝官充 簾箔場掌抽算竹木
蒲葦以供簾箔之用監官二人以京朝官充建炎初與
少府俱并歸工部紹興三年置將作監少府事總焉隆
興初宮室無所營繕職務簡省百工器用屬之文思院
上下界隸工部本監惟置丞一員餘官虛而不除乾道
以後人才盛多監少丞簿無關凡臺省之久次與郡邑
之有聲者悉借徑於此號為儲才之地而營繕之事多
俾府尹畿漕分任其責 續文獻通考曰金將作監不

設元將作院置院使七員又置同知同僉院判以下等員掌成造金玉珠翠冠佩器皿織造刺繡等事而修建宮殿事務中統二年立宮殿府專掌營繕至元十九年以其事屬大都留守司將作所屬歸之明不設

將作監二

原漢書曰將作大匠馬延年成帝以勤苦賜秩二千石東觀漢記曰建武八年始置將作大匠自任隗始應劭漢官儀曰世祖中興以謁者領其官章帝建初元年乃置真位次河南尹永元七年大匠應慎字仲華上言百郡計吏觀國之光而舍逆旅崎嶇私館貢篚之物

朽濕暴露朝會邈遠事不肅給昔晉國霸之盟主耳舍諸侯於隸人鄭子產以為大譏況今四海之大而可無乎和帝嘉納之即創業焉汝南先賢傳曰應仲華為將作大匠發摘姦伏除藻飾割浮費凡所省息七億餘萬華嶠漢書曰劉寵拜會稽太守除省煩苛徵為將作大匠有老叟五六人人齎一百錢送寵寵為一人受一文大錢續漢書曰孔融以將作大匠遷少府魏志曰楊阜遷將作大匠時初治宮殿發美女充後庭阜上疏欲省宮人諸不見幸者乃召御府吏問後宮人數吏守舊令對曰禁密不得宣露阜怒杖吏一百數之曰

國家不以九卿為密反與小吏為密乎帝聞而愈敬憚
唐書曰姜師度為將作大匠師度喜渠漕所在徭
役紛紜不能皆便然所就必為後世利是時太史令博
孝中以知星顯時為語曰孝中知仰天師度知相地
又曰楊務廉為將作少匠以工巧進宰相素恕已恐啓
游娛侈麗之漸言於中宗曰務廉忠信嘉謨不聞而專
營下以媚上不斥之無以昭德乃授陵州刺史 又曰
開元時郭虔瓘請募關中兵萬人擊餘寇將作大匠韋
湊上言漢徙豪族以實關中今畿輔戶口逋耗不宜更
募驍勇以空畿甸從之 胡澹菴集曰李大有字仲謙

除將作監丞營繕不奢忤用事者意奪其官上察其不
阿詔勿奪西北用兵國力大屈朝廷署司講議以漁利
又詔天下計稅輸免夫錢百姓騷然公極言其不可

將作監三

進對除宋制進士解褐授將作監丞如李

經構宮室石掌修作宗廟 下見揚雄大匠秩二十

淖為橋梁灌河收棄地 唐書曰閻立德從太宗征遼

子良厚也又曰姜師度徙同州刺史派洛灌朝邑河

西一縣關河以灌通靈陂收棄地二千頃為上田置十

設官部將作監

附錄前卷九十六

十一

餘屯明皇幸長春宮嘉其以承兼治監事由簿上

功下詔褒美進將作大匠以來上躬履儉約宮室無所營繕

執國政宋史曰隆興以來上躬履儉約宮室無所營繕

亦復不除獨以承兼治監事宋蘇頌將作監聽壁記

日凡三十年間由主簿歷陞上執國政者二人持從索

可謂盛矣漢尊任隗始為置員晉寵王彬且聞賜

爵見白

將作監四

原豪猾累跡華嶠漢書曰應慎為將作大匠發衆奸皆

躬親作事謝承後漢書曰陳球字伯直為將作大

巡行病徒續漢書曰曹褒遷將作大匠時有疾

多蒙濟活七年疫瘵巡行病徒為致醫樂經理饘粥

遷為河南太守勤勞賜爵將作大匠書曰瑯琊王彬為

關內

侯賜進士第宋史曰唐詢以父任為將作監主

詔者百數有司第其善者詢獻東封賦又曰范諷字

數人而已詔賜進士及第掘地得古尺陳總掘地得古尺

將作監主簿獻東封掘地得古尺陳總掘地得古尺

賦遷太常寺奉禮郎掘地得古尺陳總掘地得古尺

上書奏今尺長於古尺宜以古為機巧為將作大匠

正潘岳以為習用已久不宜復收機巧為將作大匠

唐書曰閻讓字立德以工藝進與弟立本皆機巧有思

貞觀初歷將作後即洪州造為浮海大航百艘遂從征

遼原李固遷大匠常推賢進士魏霸為大匠皆懷恩竭節

魏霸為大匠皆懷恩竭節大匠皆懷恩竭節

過之事也工無虛張之繕徒無饑寒之色東觀漢記

伯庠遷大匠工無虛張之繕徒無饑寒之色東觀漢記

將作監五

設官部

將作監

十三

漢揚雄將作大匠箴曰侃侃將作經構宮室牆以
禦風宇以蔽日寒暑攸除烏鼠攸去王有宮殿民有宅
居昔在帝世茆茨土階夏卑宮觀在彼溝洫桀作瑤臺
紂為璇室人力不堪而帝業不卒詩咏宣王由儉改奢
春秋譏刺書彼泉臺兩觀雉門而魯以不恢或作長府
而閔子不仁秦築驪阿嬴姓以顛故人君無云我貴穰
題是遂毋云我富淫作極游在彼牆屋而忘其國戮作
臣司匠敢告執猷

軍器監

丞

主簿

甲坊署

弩坊署

皮角場附

原杜氏通典曰後周武帝四年初置軍器監唐武德初

置軍器大監貞觀元年罷軍器監大監置少監後省之
以其地隸少府監為甲弩坊開元初復以其地置軍器
使至三年以使為監更置少監一員丞二員主簿一員
錄事一員及弩坊等署十一年悉罷之復隸少府為甲
弩坊十六年移其名於北都置軍器監亦嘗以太天寶
六載復於舊所置軍器監監一人領甲坊弩坊兩署
丞主簿各一人唐置 甲坊署令丞周禮考工記曰函
人為甲隋少府有甲鎧署唐改焉 弩坊署令丞周禮
司弓矢掌四弩隋有弓弩署唐改焉 增文獻通考曰
宋軍器初領於三司胄案官無專職熙寧六年廢胄案

設官部

軍器監

軍器監

一

乃案唐令置監擇從官總判元豐正名分案五所隸官屬四東西作坊掌造兵器旗幟戎帳什物監官二人以京朝官及三班使臣充作坊物料庫掌收鐵錫羽箭油漆之屬皮角場掌收皮革筋骨以供作坊之用置官與東西作坊同建炎歸并工部紹興復置長貳各一員隆興初詔軍器所已隸工部本監惟置丞一員乾道後置監少監及簿淳熙初詔戎器非進入毋輒出所由是呈驗寢省嘉定以後事最稀簡特為儲才之所續文獻通考曰遼北面有五冶官金承安二年設軍器監泰和四年罷復并甲坊利器兩署為軍器署置令丞

直長隸兵部至寧元年復為軍器監軍器庫利器署隸焉置監少監丞直長掌修治邦國戎器之事元初為武備寺掌繕治戎器兼典受給置卿少卿等員至元五年始立軍器監二十年立衛尉院改軍器監為武備監隸衛尉院二十一年改監為寺與衛尉並立明製造軍器等事俱屬軍器局及虞衡司隸工部不設監

都水使者

丞 主簿 河渠署 附

舟楫署

原杜氏通典曰虞舜命益作虞以掌山澤周官有林衡川衡二官掌林麓川澤之禁漢武帝元鼎元年初置水衡都尉

師古曰山林之官曰衡掌諸池苑故稱水衡張晏曰主都水及林苑故曰水衡主諸官故曰都

有卒徒武士故曰尉掌上林苑漢趙充國以中郎為蓋
衡平也主平其稅也王莽改後漢光武省之并其職
主上林離宮燕休之處曰予虞
於少府每立秋軀劉之日輒暫置水衡都尉軀劉將祭
俱反事訖省初秦漢又有都水長丞主陂池灌溉保守
河渠自太常少府及三輔等皆有其官漢武帝以都水
官多乃置左右使者以領之劉向為左都水使者是也
領三輔又續漢書百官志曰劉向
都尉至漢哀帝省使者官至東京凡都水皆罷之并
置河隄謁者漢之水衡都尉本主上林苑魏氏主天下
水軍舟船器械晉武帝省水衡置都水臺有使者一人
掌舟航及運部而河隄為都水官屬元康中復有水衡

都尉元康自官名及晉起居注曰陳慎懷帝永嘉六年
賊入洛陽都水使者奚濬先出督運得免江左省河隄
諸公贊曰陳總字太和有巧思為都宋都水使者銅印
水使者洛陽記云千金隄總所置
墨綬進賢兩梁冠與御史中丞同孝武帝初省都水臺
罷都水使者置水衡令孝建元年復置齊有都水臺使
者一人梁初與齊同天監七年改都水使者為大舟卿
位視中書郎列卿之最末者主舟航河隄陳因之後魏
初皆有水衡都尉及河隄謁者都水使者官至永平二
年都水臺依舊置二使者北齊亦置二使者隋開皇三
年廢都水臺入司農十三年復置仁壽元年改臺為監

更名使者亦為監煬帝又改為使者尋又為監加置少
監又改監及少監並為令領舟楫河渠二署唐武德八
年置都水臺後復為都水署置令隸將作貞觀中復為
都水監置使者龍朔四年改都水使者為司津監承咸
亨元年復舊光宅元年改都水監為水衡置都尉神龍
元年復為都水監置使者二人分總其事不屬將作領
舟楫河渠二署 丞漢有水衡丞五人亦有都水丞後
漢晉初都水使者有參軍二人蓋亦丞之職任宋因之
梁大舟卿有丞陳因之後魏北齊又曰參軍隋曰都水
丞唐二人 主簿晉水衡都尉有之為左右前後中五

水衡令悉皆有之梁大舟卿亦有之至隋又置唐因之
舟楫署令漢主爵中尉屬官有都船令丞水衡都尉
有楫權令丞晉曰船曹吏齊曰官船典軍後周曰舟中
士隋為舟楫署令丞唐因之令丞各一人 河渠署隋
煬帝置令丞各一人唐因之 **增**宋史曰宋都水監判
監寺一人以員外郎以上充同判監一人以朝官以上
充丞二人主簿一人並以京朝官充掌內外河渠隄堰
之事 舊隸三司河渠按嘉祐
三年始專置監以領之輪遣丞一人出外治河埽
之事置局於澶州號曰外監元祐八年詔提舉汴河隄
岸司隸本監先是導洛入汴專置隄岸司至是歸之有

司元祐四年復置外都水使者五年詔南北外都水丞
並以三年為任七年方議回河東流乃詔河北東西漕
臣及開封府界提點各兼南北外都水事宣和三年詔
罷南北外都水丞司依元豐法通差文武官一員分案
七置吏三十有七所隸有街道司掌轄治道路人兵若
車駕行幸則前期修治有積水則疏導之建炎三年詔
都水監置使者一員紹興五年復置南北外都水丞各
一員南丞於應天府北丞於東京置司十年詔都水事
歸於工部不復置官 續文獻通考曰遼南面都水監
設官曰都水太監都水少監并監丞主簿金都水監街

道司隸焉分治監專規措黃沁河衛州置司監掌州澤
津梁舟楫河渠之事興定五年兼管勾沿河漕運事少
監以下皆同丞二員內一員外監分治貞元元年置掾
掌與丞同外監分治勾當官四員準備分治監差委正
大二年外監東置歸德西置河陰元都水監掌治河渠
并隄防水利橋梁埽堰之事都水監二員少監一員監
丞二員經歷知事各一員又河南山東都水監至正六
年以連年河決為患置專疏塞之任設官品秩同又行
都水監至正八年河決為患詔於濟寧鄆城立行都水
監九年又立河南山東等處行都水監其大都河道提

舉司隸都水監河防提舉隸行都水監明設都水司官
掌河道一切事屬工部

內侍省 內侍 掖庭局 宮闈局 奚官局 內寺伯
內府局 增宋明各司局監並附

原杜氏通典曰天文有宦者四星在帝座之西周官有

宮正宮伯 皆主王宮 中宮之長 掌王之六寢 內宰 以陰禮教六宮

閹人 掌守寺人 掌王之內 戰國時有宦者令 諸有宦者是

也秦少府屬官有中書謁者令丞又有將作衛尉少府

各一人 並皇 后卿 漢景帝中元六年改將作為大長秋 顏師

秋者收成之時長者恒久 之義故以為皇后官名 或用中人或用士人 中人 關人 成

帝加置太僕一人掌太后輿馬通謂之皇太后后卿皆隨

太后宮為宮號在正卿上無太后則闕 衛尉在衛尉上 少府在少府上

之類 是也又有長信詹事掌皇太后宮景帝六年更名長信

少府平帝元年更名長樂少府帝祖母稱長信宮帝母

稱長樂宮故有長信少府長樂少府職如長秋位在長

秋上及職吏皆宦者也後漢常職掌奉中宮命凡給賜

族親當謁見者關通之中宮出則從屬官有丞中宮僕

謁者私府署令初秦又置中常侍官參用士人皆銀璫

左貂給事殿省漢制置侍中中常侍各一人省尚書事

黃門侍郎一人傳發書奏皆用族姓後漢中常侍贊導

設官部 尚書 卷九十六 內侍省

內侍顧問應對永平中始定員數中常侍四人漢舊儀曰秩千

石得出入臥內舉法省中省中即禁中也成帝外家王禁貴重朝中為諱禁曰省

自明帝以後員數稍增改以金璫右貂兼領卿署之職

自和熹太后以女主稱制不接公卿乃以閹人為常侍

小黃門通命兩宮自此以來悉用閹人不調他士自安

迄桓權任尤重手握王爵口含天憲桓帝既與宦官謀

誅梁冀乃封宦者五人單於徐璜貝瑗左官唐衡也同日為侯皆食

邑故世號五侯焉宦者鄭眾李產事和帝一王室每策勳班賞辭多受少由是常與議

事中官用權自衆始也又明帝時中常侍蔡倫數犯

顏匡弼又宦者曹騰歷常侍長秋封費亭侯用事省

人三十餘年奉事四帝未嘗有過其所進達皆海內名

又宦者奇音良賀等皆清儉足以勸俗也揚秉

屬太尉奏請免中常侍侯覽貝瑗等官尚書召對秉掾

曰春秋趙鞅以晉陽之甲逐君側之惡又傳曰除君之

惡惟力是視鄧通戲慢申屠嘉名責文帝請之漢制故

事三公之職無所不統帝及素紹大誅宦者之後永巷

掖庭復用士人閹闈出入莫有禁切侍中侍郎門部駟

宰中外雜錯醜聲著聞魏改漢制三卿在九卿下晉復

舊在同號卿上有后則置無后則闕齊鬱林王立文安

太后即尊號以宮名置宣德衛尉少府太僕梁有弘訓

太后亦置屬官陳亦有太后三卿後魏大長秋掌顧問

應對自文明馮后閹官用事大者令僕小者卿守宦者

為選曹北齊有中侍中省置中侍中二人中常侍四人

尚書

內侍省

掌出入門閣又有長秋寺置卿中尹各一人掌諸宮閣
領掖庭等令並用宦者後周有司內上士小司內中士
巷伯中士等官隋曰內侍省領內侍內常侍等官內侍
長秋內常侍煬帝改內侍省為長秋監置令一人少令
即舊中常侍一人丞二人並用士人餘用宦者領掖庭宮闈奚官三
署亦參用士人唐武德初改為內侍省皆用宦者龍朔
二年改為內侍監咸亨元年復舊光宅元年改為司宮
臺神龍元年復舊有內侍四人掌知宮內供奉中宮駕
出則夾引總判局事舊二人開元中加二人七年三月
勅內侍五品以上者許養一子仍以同姓者初養日不

得過十歲 內常侍六人通判局事屬官有內給事八人內
謁者監六人內寺伯二人寺人六人領掖庭宮闈奚官
內僕內府等五局神龍元年以後始以中使出監諸軍
兵馬寶應元年五月勅諸道州所承上命須憑正勅可
施行不得輒便信中使宣勅即遵行 內給事周禮內
小臣之職掌王后之命后出入前驅後漢少府有給事
黃門常侍左右止在內宮門通中外及中宮以下眾事
自魏晉至於梁陳無其職後魏有中給事中後改為中
給事北齊中侍中省有中給事中四人煬帝改為內承
直唐復為內給事置八人 內寺伯周禮寺人掌王之

內人及女官之戒令隋內侍省有內寺伯二人唐因之掖庭局令秦置永巷漢武更名掖庭置令掌宮人簿帳公桑養蠶及女工等後漢掖庭令掌後宮貴人采女又有永巷令典官婢皆官者並屬少府唐置二人宮闈局令二人隋置令掌宮內門閤之禁及出納神主并內給使名帳糧廩事唐因之奚官局令二人齊梁隋陳有奚官署令掌守宮人使藥疾病罪罰喪葬等事唐置一人內僕局令二人後漢有中宮僕令掌車輿雜畜及導等唐置二人內府局令二人漢有內者局令隋曰內者唐為內府置令二人掌內庫出納帳設澡沐

等增宋史曰宋置入內內侍省內侍省初有內班院淳化五年改為黃門九月改內侍省入內內侍省與內侍省號為前後省而入內省尤為親近通侍禁中役服褻近者隸入內內侍省供侍殿中備灑掃之職役使雜品者隸內侍省入內內侍省有都都知副都知押班內東頭供奉官內西頭供奉官內侍殿頭內侍高品內侍高班內侍黃門內侍省有左班都知副都知右班都知副都知押班內東頭供奉官內西頭供奉官內侍殿頭內侍高品內侍高班內侍黃門自供奉官至黃門以二百八十人為定員凡內侍初補曰小黃門經恩選

補則為內侍黃門後省官闕則以前省官補押班次遷副都知次遷都都知遂為內臣之極品其官稱則有內客省使延福宮使宣政使宣慶使昭宣使元豐議改官制張誠一欲易都知押班之名置殿中監以易內侍省既而宰執進呈神宗曰祖宗為此名有深意豈可輕議政和二年始遂改焉以通侍大夫易客省使正侍大夫易延福宮使中侍大夫易景福殿使中亮大夫易宣慶使中衛大夫易宣政使拱衛大夫易昭宣使供奉官易內東頭供奉官左侍禁易內西頭供奉官右侍禁易內侍殿頭左班殿直易內侍高品右班殿直易內侍高班

而黃門之名如故其屬御藥院勾當官四人以入內內侍省充掌案驗方書修合藥劑以待進御及供奉禁中之用內東門司勾當官四人以入內內侍省充掌宮禁人物出入周知其名數而譏察之合同憑由司監官二人掌禁中宣索之物給其要驗凡特旨賜予皆具名數憑由付有司準給管勾往來國信所管勾官二人以都知押班充掌北使介交聘之事後院勾當官無定員以內侍充掌苑囿池沼臺殿種藝雜飾以備游幸造作所掌造作禁中及皇屬婚娶之名物龍圖天章寶文閣勾當官四人以入內內侍充掌藏祖宗

文章圖籍及符瑞寶玩之物而安像設以崇奉之 軍
頭引見司勾當官五人以內侍省都知押班及閣門宣
贊舍人以上充掌供奉便殿禁衛諸軍入見之事及馬
步兩直軍員之名 翰林院勾當官一員以內侍押班
都知充總天文書藝圖畫醫官四局凡執伎以事上者
皆在焉中興以來深懲內侍用事之弊嚴前後省使臣
與兵將官往來之禁著內侍官不許出謁及接見賓客
之令紹興三十年詔內侍省所掌織務不多徒有冗費
可廢并歸入內內侍省 續文獻通考曰遼北面近侍
局設於侍御司南面內省官曰內省使內省副使其內

侍省官曰黃門令曰內謁者曰內侍省押班曰內侍左
右廂押班曰內侍都知曰左右承宣使其上京東京各
有內省司各置省使與省副使金內侍職入於衛尉司
內內侍局中常侍入於宣徽使內其事多分領於宣徽
使而內侍省不設元內侍省亦不設其職不專宮禁事
即文階亦授之 龔山堂集曰明吳元年置內使監設
令丞奉御內使典簿等官三年改定內使監御用監秩
皆從三品其官令從三品丞正四品皇門官秩從四品
正從四品副正五品春官門官正副同十七年更定內
官諸監庫局及外承運等庫局品職 尚宮局尚宮一

人正五品司記司言司簿司闈正六品掌記掌言掌簿
掌闈正七品女使六人 尚衣局尚衣一人司籍司樂
司賓司贊掌籍掌樂掌賓掌贊女使二人 尚服局尚
服一人司寶司仗司衣司飾掌寶掌仗掌衣掌飾女使
二人 尚食局尚食一人司饌司醞司藥司饌掌饌掌
醞掌藥掌饌女使二人 尚寢局尚寢一人司設司輿
司苑司燈掌設掌輿掌苑掌燈女使二人 正功局尚
功一人司製司珍司綵司計掌製掌珍掌綵掌計女使
二人品皆與尚宮同 宮正司宮正一人正五品司正
一人正六品女使二人 內官監通掌內使名籍總督

各職凡差遣及闕員具名奏請設令一人正六品丞二
人從六品典籍一人正九品 神宮監掌太廟祭器及
祭祀灑掃設令一人正七品丞一人從七品奉御一人
正八品 尚寶監掌御寶圖書凡用御寶則奉請然後
付尚寶司官用之畢則捧入設令一人正七品丞一人
從七品 尚衣監掌御用冠冕衣服鞞履設令一人正
七品丞一人從七品奉御四人正八品 尚膳監掌御
膳設令一人正七品丞一人從七品 司設監掌御用
儀仗輦輅輿帳裯褥張設設令一人正七品丞一人從
七品奉御四人正八品 司禮監掌宮庭禮儀凡正旦

冬至等節命婦朝賀等禮則掌其班位儀注及糾察內
官人員違犯禮法者設令一人正七品丞一人從七品
御馬監掌御廄馬匹設令一人正七品丞一人從七
品直殿監掌各殿灑掃陳設設令一人正七品丞四
人從七品小內史一十五人宮門承制掌傳奉宣召
設奉御五人正八品又宮門守門官掌宮門灑掃時其
開闔譏察出入設門正一人正八品副四人從八品
內承運庫掌宮御金銀段疋等物設大使一人正九品
副使二人從九品司鑰庫掌皇城各門管鑰設大使
一人正九品副使四人從九品中帽局掌造內府冠

帽設大使一人正九品副使一人從九品針工局掌
造內府衣服設大使一人正九品副使一人從九品
織染局掌織染段疋設大使一人正九品副使一人從
九品顏料局掌燒造銀硃等項顏料設大使一人正
九品司苑局掌種蒔蔬果大使一人正九品司牧
局掌牧養孳生大使一人正九品以上皆於內官內選
用二十八年重定內官監司庫局與諸門官并東宮六
局王府承奉等官職秩頒皇明祖訓遂為定制內官監
十一曰神功曰尚寶曰孝陵神宮曰尚膳曰尚衣曰司
設曰內官曰司禮曰御馬曰印殿曰直殿皆設太監一

人秩四品左右少監各一人秩從四品左右監丞各一人秩正六品三十年又置都知監秩正四品掌內府各監行移一應關支勘合設太監一人正四品左右少監各一人從四品左右監丞各一人正五品典簿一人正六品

大長秋

原掌皇后家

續漢書百官志曰秦曰將作官者景帝更名大長秋秩二千石掌皇后太子家或用七人為之中興常用官非天子卿韋昭辨釋名曰天子卿釋曰長秋主宮中凡物以春生秋成欲使中宮之祚如之故為名辨皇后陰宮秋者陰之始長者欲其久也吳彥恩威徵拜臧榮緒晉書曰吳彥為交州刺史在鎮二十餘年威恩宣著南州寧

靜曰表求代徵為大長秋也

孫和以妾免官

晉陽秋曰大長秋孫和上書求以妾為妻免官

內謁者監

原杜氏通典曰內謁者後漢大長秋屬官有中宮謁者三人主報中章後魏北齊皆有中謁者僕射隋內侍省有內謁者監六人內謁者十二人唐因之

淵鑑類函卷九十六

設官部

內謁者監

大長秋內謁者監

二十七

內閣書堂

內閣書堂六人內閣書十二人

內閣書堂中書錄事掌其書皆由中書錄事錄事內閣書

錄事內閣書曰內閣書錄事大員錄事掌其書皆由中書錄事

內閣書堂

內閣書堂中書錄事掌其書皆由中書錄事錄事內閣書

